


江蘇省實業
視察報告書

江蘇省長公署第四科編印

江蘇齊省長寄贈

我國於統計之學素少研求故對於各地方工商狀況物產數量向無專書紀載近年以來雖歷經調查編製報告以地方遼濶情形散漫總極審慎勢難翔實且專重統計不加說明工商之盛衰物產之增減雖能於數目中求之而所以盛衰增減之故莫可稽考提倡獎勵難於實施整頓改革苦無標準江蘇氣候溫和物產富饒天時地利兩無所憾濟以人力宜有可爲鄙人蒞蘇數載成績罕聞責任所存先求綜核爰派專員視察實業舉凡官吏服務農田利病工業狀況物產數量悉令紀載嚴加考覈分別獎懲其有興革事宜條陳可採者立予施行歲計有餘粗具端緒囑金科長其照就經過事實彙集報告編輯成書付之排印用誌既往以策將來伊通齊耀琳



例言

一本書報告江蘇省各縣實業行政狀況農工商之現狀及應行興革之大概定名曰江蘇省實業視察報告書

二本書據各視察員之視察報告編輯之其散見於他項公文書及報告者概不擯入

三本書分總說正編附編三部總說略述全書大概實業視察員暫行條例及細則列各縣實業視察報告於正編列各縣農工商及荒山荒地之概況於附編各種一覽表附之

四各種一覽表均根據視察報告匆促調查不免掛漏

五本屆視察本省實業以調查各縣實業及社會實業狀況爲主徐謀設施之方針其省辦各實業俟視察完竣另編報告

六視察以區域之遠近爲先後故所報告年度不免參差又本書於八年三月開始編輯閱五月而書成付印匆促出版校閱多疏閱者諒之

江蘇省長公署第四科科长金其照謹識

江蘇省實業視察報告書 例言



江蘇省實業視察報告總說

爲政不在多言。顧力行何如耳。實業爲生存之本原。富強之要素。凡諸施設。尤無取乎空言。慨自改革以來。迭遭多故。創痍未復。生聚猶艱。凡有地方之責者。所當日夜競競以厚民生足國用爲務。江蘇本富庶之邦。天產豐饒。甲於列省。而滬瀆開埠。交通最先。商務盛衰。影響全國。當茲經濟競爭之世。發展實業。斯爲當務之急。六七年來。一秉斯旨。就視察以謀提倡。臚現狀以諗方來。此所以有江蘇六十縣實業視察報告之輯也。

金陵道屬。山嶺綿亘。原野莽曠。十之七八。宜於造林。比自第一造林場創始以來。觀感所興。華路漸闢。而江寧利民廠所出之柞綢。行銷海外。尤爲歐美人士所歡迎。餘若江浦之棉。丹徒之茶。揚中之靛。雖屬偏隅副產。咸以佳良著名。惟農產之豐歉。尤視水利。赤山、石臼、丹陽、固城、諸湖。舊資溉灌。今皆淤墊。所宜興修疏濬。以沃農田。庶幾天產之饒。不下蘇滬。此農業之狀況也。工廠之建設尙尠。民間工業。大率家自爲造。發展較難。其著稱者。若江寧之緞。丹徒之染織。溧陽之絲綢。而金壇河頭鎮所繅之反車絲。已飭蠶桑模範場檢驗出品。洵屬佳良。正待通行仿造。藉資提倡。此工業之狀況也。商業舊以江浦、六合、丹徒爲較盛。南北貨物。以此爲轉輸之區。自津浦通車。交通形勢變遷。驟形衰減。然輸出之盛衰。恆視乎物產之多寡。果使地無棄利。原料充物。出品精良。衡以供求通例。無不給之虞。則商業之盛。自不待言。卽交通形勢之變遷。亦適足爲振興商務之助。而無足深慮。此商業之狀況也。

滬海道屬。襟江帶海。厥土上上。農產以棉稻爲大宗。工業以紡織爲最盛。商則上海一埠。握全國之樞機。稱世界之名埠。論其現狀。詎不欣欣向榮。顧交通繁則生活之率增。運輸易則競爭之度烈。世界潮流。日激盪乎其前。急起直追。尙虞不給。知植種之宜改良也。則有各縣模範農場之設焉。製造之宜競進也。則有省立工場之設焉。歐


戰以來。運輸阻滯。顧外貨鮮至。亦實爲國內自爲整頓之良機。今則環球洗甲。宣告和平。非振興農工。以應商戰。誠不知所以善其後矣。至於水利失修。影響於農田者尤鉅。今已帶徵畝捐。從事修濬。如青浦之泖湖。松江之通浦。各河。金山之張涇河。或已擇要興修。或已着手疏濬。他日水患一除。農業自不難於發達。他若崇海之棉。著稱佳種。金、青、南、奉所產亦多。近數年來。上下銳意植棉。於種植改良推廣諸端。講求漸備。鍥而不舍。亦實業前途之樂觀也。

蘇常道屬。農業狀況。略同滬海。南通、如皋、江陰、之棉。吳縣、吳江、無錫、之蠶桑。宜興之茶。崑山之墾牧。皆其特著者。顧以繁盛而論。尤推工業。就其類別。大略爲三。一曰絲織。吳縣、吳江、爲最。崑山、武進、次焉。二曰紡紗。無錫、南通、爲最優。三曰陶器。宜興爲特著。絲織之精。向推杭貨。比年以來。加意提倡。設絲織模範場及織工傳習所於吳縣。兩閱寒暑。而該邑機坊。咸置鐵機。織工能嫻新藝。出品之優。銷場之廣。不亞武林。至若盛澤之絲織。震澤之絲經。久已盛行。蔚爲專業。紡紗則南通一廠。開全省之先河。陶業則省立陶業工廠。極製作之能事。其他則江都漆器。素著盛稱。蘇常刺繡。允推美術。論蘇省工業。以該道屬爲冠。非過言也。商市以產品之饒。亦復稱盛。繼此以往。所宜因勢利導。督促弗衰。固有者加以擴充。未至者重在仿造。一日千里。有當然者矣。

淮揚道屬。自鹽務中落。漕運改章。繁盛已非復昔時。改革以來。水旱偏災。時時見告。荒歉旣屢。生聚難言。頻年於課農振工。惟日孜孜。不遺餘力。於農業則注意疏濬河道。開墾荒地二端。如淮陰之民便等河。阜寧之射陽湖。東臺之王家港。皆擬濬其淤墊。資以溉灌。蓋誠見淮境水患。爲病民之主因。刊奠之政。所不可緩也。黃河改道。濁流變爲桑田。官民各荒。所在多有。察其地質。初皆足耕。則以造林植棉栽桑諸端。勤與講求。事歸實在。既有省立第一農事試驗場及蠶桑模範總分各場之規置。而縣立模範農場。亦次第告成。官紳提倡於前。人民知生利之可圖。惰農之非策。亦必日異月新。舍其故步。十年而後。富足可期也。培本而後及末。工商之發展。亦有待乎是矣。

徐海道屬。壤地雖曠。民力益貧。水災之外。益以兵匪。元氣既凋。流亡未集。地質稍穠。既不擅棉稻蠶桑之利。人民安於簡陋。亦幾無復工商之可言。惟豐沛之間。土質本沃。頻年災歉。由於水道之失修。能束水試辦稻田。未嘗不足致豐稔。而匪災既久。民多流亡。熟田變荒。委諸不治。是於徐海謀實業。仍曰安集爲急。而教養繼之也。比年既於徐州籌辦省立第二農事試驗場。而各縣亦有模範農場之設。餘若蕭縣、贛榆、宜造林、碭山、沭陽、宜植棉、宿遷、灌雲、宜蠶桑。而邳縣之各支河。睢寧之龍河。東海之薔薇河。則均以開濬爲急。綱舉目張。鍤而弗舍。安見其不能歲豐月穰。等量江南乎哉。津浦鐵路。經過沛縣之韓莊臨城。開徐鐵路。橫貫碭山。灌河一口。復爲天然良港。輪軌交通。繁盛已兆。他日農工出品。旣形發達。商務起色。自在意中也。

綜上所述。凡近日之措施。現在之狀況。考察所及。略見一斑。以數年來。國是紛更。民力凋耗。而江蘇市廛隴畝。尙幸獨完。農產工作。且孜孜於進步之講求。固曰地方之天幸。而官廳一部分之提倡與保全。亦不無成效之足觀焉。繼今以往。假以數年。休養生息。培其本。急起直追。圖其終。民生旣厚。國力自饒。此則所願全省人士共勉之者也。



實業視察員暫行條例

第一條 本省實業視察員定額二人由省長於熟悉本省實業狀況有左列資格之一者委任之

一 高等專門實業學校畢業者

二 辦理實業在五年以上確有成績者

第二條 實業視察員視察事項如左

一 省立各實業機關之辦事成績及營業狀況

二 省立各實業機關職員之執務狀況

三 各縣辦理實業行政狀況

四 各縣大宗商品之產銷狀況

五 各縣金融狀況

六 各縣已墾未墾之荒地荒山狀況

七 省長特令視察事項

第三條 實業視察分爲五區

第一區 江寧縣 句容縣 溧水縣 高淳縣 江浦縣 六合縣 丹徒縣 丹陽縣 金壇縣

溧陽縣 揚中縣

第二區 吳縣 常熟縣 崑山縣 吳江縣 武進縣 無錫縣 宜興縣 江陰縣 靖江縣

南通縣 如皋縣 泰興縣

第三區 淮陰縣 淮安縣 泗陽縣 漣水縣 阜寧縣 鹽城縣 江都縣 儀徵縣 東臺縣

興化縣 泰縣 高郵縣 寶應縣

第四區 上海縣 松江縣 南匯縣 青浦縣 奉賢縣 金山縣 川沙縣 太倉縣 嘉定縣

寶山縣 崇明縣 海門縣

第五區 銅山縣 豐縣 沛縣 蕭縣 碭山縣 邳縣 宿遷縣 睢寧縣 東海縣

灌雲縣 沭陽縣 贛榆縣

第四條 視察時期分左列二種

一定期視察 每年二次

二臨時視察 由省長隨時令飭之

第五條 關於第二條第一款至第六款視察方法於省長公署第四科內設實業視察會議公同討論之

前項會議之結果由科呈請省長核定之

實業視察會議細則另定之

第六條 實業視察員遇左列事項得表示意見於主管者

一不合於實業法令之事項

二省立各實業機關之應行興革事項

三縣實業行政之應行興革事項

前三款應同時呈報省長

四省長特令指示事項

第七條 實業視察員至各地方視察時應先與地方官及其佐治實業職員討論該地方實業情形然後分別視察

第八條 實業視察員視察商辦工廠及公共營業應會同該地方官預定日期先行備函通知

第九條 實業視察員對於商辦實業有指導之責任但不得干涉其內部事項

第十條 實業視察員視察省立實業機關得調閱各項簿冊及支款證據點驗巡警工匠公役名額

第十一條 實業視察員視察時得請主管者到場以備諮詢

第十二條 實業視察員依第二條第一款至第六款規定事項除隨時報告外應於視察終了時編造本視察期間之總報告書呈請省長核定公布

第十三條 實業視察員薪水公費以省行政費支給之

第十四條 本條例如有未盡事宜由省長公署提交省議會議決修改之

第十五條 本條例自公布之日施行



江蘇省實業視察報告書總目次

叙

例言

(甲)總說及實業視察暫行條例視察細則

一 總說

二 實業視察員暫行條例

三 實業視察員視察細則

(乙)正編

一 金陵道區各縣實業報告

二 滬海道區各縣實業報告

三 蘇常道區各縣實業報告

四 淮揚道區各縣實業報告

五 徐海道區各縣實業報告

(丙)附編

一 江蘇省各縣農業概況

二 江蘇省各縣工業概況

..... 一至二

..... 一至二

..... 一至三

..... 一至三

..... 一至三

..... 一至五四

..... 五五至一一八

..... 一一九至一六四

..... 一六五至二一六

..... 二一七至二五四

..... 二五五至二六六

..... 二六七至二七八

三	江蘇省各縣商業概況	二七九至二九〇
---	-----------------	---------

四	江蘇省各縣荒地荒山概況	二九一至三〇二
---	-------------------	---------

(丁)各種一覽表

一	江蘇省各縣實業行政佐治員一覽表	三〇三至三〇四
---	-----------------------	---------

二	江蘇省各縣實業行政經費一覽表	三〇五至三〇八
---	----------------------	---------

三	江蘇省各縣辦理實業行政公文書計數表	三〇九至三一二
---	-------------------------	---------

四	江蘇省各縣苗圃一覽表	三一三至三一五
---	------------------	---------

五	江蘇省各縣農會一覽表	三一六至三一九
---	------------------	---------

六	江蘇省各縣大宗農產一覽表	三二〇至三二六
---	--------------------	---------

七	江蘇省各縣模範農事試驗場一覽表	三二七至三二八
---	-----------------------	---------

八	江蘇省各縣特種工業一覽表	三二九至三三〇
---	--------------------	---------

九	江蘇省各縣商會一覽表	三三一至三三五
---	------------------	---------

十	江蘇省各縣大宗商品一覽表	三三六至三四六
---	--------------------	---------

十一	江蘇省全省典業一覽表	三四七至三六〇
----	------------------	---------

十二	江蘇省各縣金融狀況一覽表	三六一至三六四
----	--------------------	---------

十三	江蘇省實業視察成績一覽表	三六五至三六八
----	--------------------	---------

江蘇省實業視察報告書

金陵道區

江寧縣實業視察報告

江寧縣境雖隸省會區域。而兵燹迭遭。民生凋敝。資本家既極缺乏。縱有企業者亦將無所措手。故實業各項。仍在萌芽時代。該縣知事吳其昌。練達老成。精嫻吏治。惟缺屬衝煩。日不暇給。其佐治員徐家修。係第二科兼任。二科管理征收稅項一切事宜。款目紛綸。亦有不遑兼顧之勢。而實業行政。又向無規定之經費。自三年度起。至五年度止。僅苗圃一項。在附稅內撥用銀二百元。以視小學教育費。合之附稅劃定。省款補助。地方捐項。統計三年不下二十餘萬元。比較不過千分之一。未免偏枯。人款兩乏。即云提倡。亦等空談。此由該區視察員蔣汝正。會同該縣知事籌款。業經呈准在自治經費公益捐項下。撥十成之三。作為實業行政經費。每年約三千餘千之譜。果能支配妥善。款不虛糜。則於第二屆視察時。或稍有成績之可言。此縣實業行政之大概情形也。該縣境內。屬於農事之機關。有省農會。有縣農會。有義農會。有省立第一造林場。有縣苗圃。省農會現正規畫擴張進行方法。縣農會以會長未能得人。幾同虛設。現已更舉會長。力求刷新。所有籌策。尙屬周詳。可期後效。義農會為外國人裴義理所創辦。其地點在紫金山南北。專事造林。用款全經募集而來。嗣以主權關係。由省撥款補助。歸中國收回。並經農商部派員常駐會同辦理。該山周廣約三十餘里。面積七萬餘畝。現在已植樹者。約佔全面積五分之三。其成績最為優著。省立第一造林場。在舊駐防城內之四方城。苗圃發育甚旺。檢閱其各項辦事簿冊。內部之整理。亦頗井井有條。惟地屬高燥。亢旱可憂。今年春夏之交。天久不雨。以致清明節在該場內所植之樹。往往枯死。是其明證。是不可不籌防救之法。縣苗圃係由該縣知事委託農會代辦。在丁家橋之綠筠花園。佔地僅三畝餘。樹苗以洋槐、烏柏為大宗。其他扁柏、馬尾松、白楊、椿樹、魯桑等。合計已成活者。不過兩萬餘株。現已由該會着手